



Broj: 05/1-50-13-29-21-3/16
Sarajevo, 29.6.2016.

ZAPISNIK

21. sjednice Nezavisnog odbora Parlamentarne skupštine BiH

Sjednica je održana 29.6.2016., s početkom u 17 sati.

Sjednicu je sazvaio Žiko Krunić, predsjednik Nezavisnog odbora.

PRISUTNI ČLANOVI NEZAVISNOG ODBORA: Žiko Krunić, predsjednik Nezavisnog odbora Enes Obralića, prvi zamjenik predsjednika Nezavisnog odbora, Mato Jozić, drugi zamjenik predsjednika Nezavisnog odbora, Ilma Mehić-Jusufović, Adisa Begić, Nikola Džambas, Mate Miletić, Ljubomir Kuravica, Miroslav Škorić, članovi Nezavisnog odbora.

OSTALI PRISUTNI: Ivana Lovrić, koja obavlja poslove sekretara Nezavisnog odbora.

Sjednici su prisustvovali i Đuro Knežević, zamjenik direktora Državne agencije za istrage i zaštitu, Mile Jurić i Uroš Pena, zamjenici direktora Direkcije za koordinaciju policijskih tijela BiH.

Sjednicu je pratio i Senad Zlatar, predstavnik OHR-a.

Sjednicom je predsjedavao predsjednik Nezavisnog odbora Žiko Krunić.

Konstatirajući da postoji kvorum za rad, otvorio je 21. sjednicu Nezavisnog odbora Parlamentarne skupštine BiH.

Prije glasanja o dnevnom redu predsjednik Nezavisnog odbora Žiko Krunić napomenuo je da su na sjednicu pozvani direktor i zamjenici direktora Direkcije za koordinaciju policijskih tijela BiH te u vezi s tim predlaže dopunu dnevnog reda pod tačkom 3. koja bi glasila: „Informacija u vezi s pripremanjima pred obilježavanje 21. godišnjice stradanja u Srebrenici sa sigurnosnog aspekta“.

Ovaj prijedlog jednoglasno je usvojen.

Nakon što je usvojen prijedlog dopune dnevnog reda, predsjednik Nezavisnog odbora konstatirao je sljedeći

DNEVNI RED

1. Usvajanje Zapisnika 20. sjednice Nezavisnog odbora;
2. Razmatranje Informacije Tužilaštva BiH dostavljene od Ministarstva sigurnosti BiH, broj: 01-34-3-2678-1/15, od 5.4.2016.;
3. Informacija u vezi s pripremama pred obilježavanje 21. godišnjice stradanja u Srebrenici sa sigurnosnog aspekta;
4. Tekuća pitanja.

Ad.1. Usvajanje Zapisnika 20. sjednice Nezavisnog odbora

Zapisnik 20. sjednice Nezavisnog odbora usvojen je jednoglasno, bez primjedbi.

Ad.2. Razmatranje Informacije Tužilaštva BiH dostavljene od Ministarstva sigurnosti BiH, broj: 01-34-3-2678-1/15, od 5.4.2016.

U uvodu u ovu tačku dnevnog reda predsjednik Nezavisnog odbora Žiko Krunić naglasio je da je Ministarstvo sigurnosti BiH Nezavisnom odboru prosljedilo akt Tužilaštva BiH u kojem se navodi da je donesena naredba u provođenju istrage, između ostalih, i protiv Đure Kneževića, zamjenika direktora Državne agencije za istrage i zaštitu BiH.

Napomenu je da je, u skladu sa zaključkom s prošle sjednice, na ovu sjednicu pozvan zamjenik direktora Državne agencije za istrage i zaštitu BiH Đuro Knežević kako bi s članovima Nezavisnog odbora razgovarao o ovoj temi. Nakon razgovara sa zamjenikom direktora, članovi Nezavisnog odbora zaključili su da će u vezi s ovim pitanjem na prvoj narednoj sjednici obaviti razgovor i s direktorom Državne agencije za istrage i zaštitu BiH Pericom Stanićem koji zbog službenog odsustva nije bio u prilici prisustvovati današnjoj sjednici.

Ad.3. Informacija u vezi s pripremama pred obilježavanje 21. godišnjice stradanja u Srebrenici sa sigurnosnog aspekta

U uvodu u ovu tačku dnevnog reda predsjednik Nezavisnog odbora napomenuo je da su na sjednicu pozvani direktor i zamjenici direktora Direkcije za koordinaciju policijskih tijela BiH, ali da su se pozivu odazvali samo Mile Jurić i Uroš Pena, zamjenici direktora, dok je direktor pismenim putem opravdao svoje odsustvo. Motiv i razlog pozivanja na sjednicu je razmjena informacija u vezi s pripremama pred obilježavanje 21. godišnjice stradanja u Srebrenici sa sigurnosnog aspekta.

Zamjenici direktora Direkcije za koordinaciju policijskih tijela BiH kazali su članovima Nezavisnog odbora da se sve pripreme u vezi s organizacijom ovog događaja odvijaju po planu, te naveli da imaju korektnu saradnju sa svim policijskim agencijama u BiH u vezi s osiguranjem ovog skupa. Zaključeno je da će članovi Nezavisnog odbora o ovom pitanju vrlo brzo obaviti razgovor i s direktorom Direkcije za koordinaciju policijskih tijela BiH.

Ad.4. Tekuća pitanja

U okviru ove tačke dnevnog reda članovi Nezavisnog odbora razmatrali su tehničko pitanje termina održavanja sjednica, te su usvojili

ZAKLJUČAK

Sjednice Nezavisnog odbora održavat će se između 1. i 15. u mjesecu.

Dalje, za riječ se javio član Nezavisnog odbora Miroslav Škorić koji je otvorio pitanje noćenja članova Nezavisnog odbora u Sarajevu uoči ili na sam dan održavanja sjednica Nezavisnog odbora. Dogovoreno je da se uputi dopis Zajedničkoj komisiji za administrativne poslove da im se izađe u susret s obzirom na to da su neki članovi Nezavisnog odbora s mjestom prebivališta udaljenog više od dvije stotine kilometara od Sarajeva, a u Odluci o naknadama za rad u Nezavisnom odboru i Odboru za žalbe građana nije regulirano to pitanje.

Predsjednik Nezavisnog odbora Žiko Krunić zaključio je sjednicu u 19,15 sati.

SEKRETAR
NEZAVISNOG ODBORA

Ivana Lovrić

PREDSJEDNIK
NEZAVISNOG ODBORA

Žiko Krunić